



Nukilan
Ratna Wilis Haryati Mustapa
Pembantu Pustakawan
Perpustakaan
Universiti Malaysia Pahang Al-Sultan Abdullah (UMPSA)



Karya Kreatif

Dari Khemah ini (Arafah – Mina, Haji 2011)

Indahnya senja di Arafah
Siangnya penuh doa
Dalam angin dan hawa panas
Jemaah terus menadah tangan
Dengan air mata dan harapan
Doa dipanjatkan moga Allah berkenankan
Dari khemah perubatan ini
Aku melihat jemaah kembali kepada-Nya
Selesa mana pun kau di sana
Kepada Allah jua kita akhirnya
Dari khemah perubatan ini
Aku lihat sang anak meninggalkan ayah tuanya sendiri
Tetap bersama sang isteri

Si ibu tua tidak berdaya tetap ke sana ke mari
Dari khemah perubatan ini
Aku lihat ibu ku berdoa tanpa henti
Memohon kesembuhan untukku berjalan dan berdiri
Agar ibadahku mampu aku buat sendiri
Dari khemah perubatan ini
Allah makbulkan doa rahsiaku
Merasai kasih ibu yang selama ini aku hanya memerhati
Benarlah bahawa kasih ibu tiada henti
Mina saksi aku sembuh dan berdiri
Berjalan melontar bersama ibu
Dari khemah ini
Aku kembali melengkapkan haji
Moga diterima Illahi
Yang Maha Pengampun, Maha Pengasihani

[Creative Work](#)

Dari Khemah ini (Arafah-Mina, Haji 2011)

16 July 2025

- 41 views

[View PDF](#)